

आकाशवाणी

- रक्षा मंत्री राजनाथ सिंह होरें आखेआ ऐ जे ब'रे 2030 तोड़ी भारत दा रक्षा निर्यात 50 ज्हार करोड़ रपे तगर पुज्जी जाग।
- इलैक्ट्रानिक्स ते सूचना प्रौद्योगिकी मंत्री अश्विनी वैष्णव होरें आखेआ जे पिछले 10एं ब'रें च इलैक्ट्रानिक्स निर्यात च 6 गुणा बाद्धा होआ ऐ लेहड़ा हुन 3 लख 25 ज्हार करोड़ रपे पुज्जी गेआ ऐ।
- केन्द्री कृषि मंत्री शिवराज सिंह चौहान होरें आखेआ ऐ जे जिसलै तोड़ी लौहके करसाने गी सशक्त बोर्ड बनाया जंदा उसलै तगर वैश्विक खाद्य सुरक्षा दे लक्ष्य पूरे नेई कीते जाई सकदे।
- अमरीका ते इटली नै भारत-मध्य पूर्व यूरोप आर्थिक गलियारे गी इस सदी दी सब्बने शा बड्डी आर्थिक एकीकरण ते संपर्क परियोजना करार दित्ता ऐ।
- राष्ट्रीय परीक्षा अर्जेसी यानि एनटीए अज्ज 2025 सांझा प्रवेश परीक्षा(जेईई) दे मुख् सेशन दे नतीजे घोषत करोग।
- भारत दे हिमांशु जाखड़ नै सऊदी अरब दे दम्माग च मर्दे दे बाला सुट्टने आली प्रतियोगिता च देशे दी पैहली बारी एशियाई अंडर-18 एथलैटिक्स चैंपियनशिप च सुन्ने दा तगमा हासल करियै नमां इतिहास रचेआ।

<><><><><><>

Rajnath Singh

केन्द्री रक्षा मंत्री राजनाथ सिंह होरें भरोसा जताया ऐ जे ब'रे 2030 तगर भारत दा रक्षा निर्यात 50 ज्हार करोड़ रपे तगर पुज्जी जाग। ओह कल महाराष्ट्र दे छत्रपति संभाजीनगर च चैंबर ऑफ मराठावाड़ा इंडस्ट्रीज ते एग्रीकल्चर सीएमआईए आस्सेआ आयोजित मराठावाड़ा आत्मनिर्भर भारत दी रक्षा भूमि संवाद सत्र गी संबोधत करा'रदे हे। मोदी सरकार दी उपलब्धिएं गी उजागर करदे होई रक्षा मंत्री होरें आखेआ जे मजूदा सरकार दे कार्यकाल च रक्षा निर्यात च 40 गुणा बाद्धा होआ ऐ। उनें आखेआ जे ब'रा 2014 च भारत दा रक्षा निर्यात तकरीबन 6 सौ करोड़ रपे दा हा, जेहड़ा अज्ज बधियै 24 ज्हार करोड़ रपे होई गेआ ऐ।

इस मौके पर राजस्थान के राज्यपाल हरिभाऊ बागडे, महाराष्ट्र के मुख्यमंत्री देवेन्द्र फडणविस ते होर मन्ने परमन्ने के लोक मजुद हे। इस मौके पर देवेन्द्र फडणविस होरें आखेआ जे दिल्ली-मुंबई औद्योगिक गलियारे के विस्तार लेई 8 जहार एकड़ जमीन होर हासल कीती जाग जेहड़ी इसलै 10 जहार एकड़ च फैली दी ऐ।

<><><><><><>

Vaishnav

इलैक्ट्रानिक्स के सूचना प्रौद्योगिकी मंत्री अश्विनी वैष्णव होरें आखेआ ऐ जे पिछले 10एं बरें च मेक इन इंडिया पैहलकदमी कन्नै इलैक्ट्रानिक्स निर्यात च 5 गुणा बाद्धा होआ ऐ। हरियाणा च पत्रकारें कन्नै गल्लबात करदे होई उनें आखेआ जे पिछली इस अवधि दरान इलैक्ट्रानिक्स निर्यात च बी 6 गुणा बाद्धा होआ हा ते एह 3 लख 25 जहार करोड़ रुपे थमां बद्ध होई गेआ ऐ। अश्विनी वैष्णव होरें आखेआ ऐ जे इलैक्ट्रानिक्स निर्यात कन्नै इस बेल्ले तकरीबन 25 लख लोकें गी रोजगार थोआ करदा ऐ। वैष्णव होरें आखेआ जे भारत के इलैक्ट्रानिक्स निर्यात च वैश्विक भरसा बधा करदा ऐ, जेहदे कन्नै उत्पादें की गुणवत्ता च बाद्धा होआ करदा ऐ।

<><><><><><>

BRICS Agri Ministers Meet (HL3)

भारत नै आखेआ ऐ जे ओह समावेशी, न्यासंगत के टिकाऊ कृषि के प्रति पूरी चाल्ली वचनबद्ध ऐ। कल ब्राजील च ब्रिक्स कृषि मंत्रियों की 15मीं बैठक गी संबोधित करदे होई कृषि मंत्री शिवराज सिंह चौहान होरें आखेआ जे जिसलै तगर लौहके करसानें गी संरक्षित के सशक्त नेई कीता जंदा तदूं तोहड़ी वैश्विक खाद्य सुरक्षा के लक्ष्य हासल नेई कीते जाई सकडन। उनें इस गल्लै पर जोर दित्ता जे भारत लेई महिलाएं गी समाजी, आर्थिक के राजनीतिक रूप कन्नै सशक्त बनाना इक मिशन ऐ। श्री चौहान होरें आखेआ जे भारत लेई कृषि छड़ी इक आर्थिक गतिविधि नेई ऐ, सगुआं लखें परोआरें लेई रोजी-रूट्टी के सम्मान दा जरिया ऐ। उनें आखेआ जे दुनिया के 51 करोड़ लौहके करसान, वैश्विक खाद्य प्रणाली की रीढ़ की हड्डी न के जलवायु परिवर्तन, कीमतें च उतार-चढ़ा वते साधनें-स्रोतें की कमी के कारण ओह सब्भनें शा कमजोर बी हैं। बैठक के दरान, ब्रिक्स मुख्खें के कृषि मंत्रियों बक्ख-बक्ख समस्याएं कन्नै निबडने लेई जिमीं मतल्लक इक खास सांझेदारी दा शुभारंभ कीता। सांझे घोषणापत्र च, ब्रिक्स देशें सांझे तौर उपपर वैश्विक कृषि-खाद्य प्रणाली गी निरपक्ख, समावेशी, नवीन के टिकाऊ बनाने के अपने संकल्प गी दोहराया।

तोआई, श्री चौहान होरें ब्रिक्स देशें गी इस ब'रे पैहली मई थमां शुरू होने आहले वेक्स शिखर सम्मेलन ते सितंबर 2025 च आयोजित होने आहले विश्व खाद्य सम्मेलन च हिस्सा लैने लेई बी साददा दित्ता।

<><><><><><>

PM-Book

प्रधानमंत्री नरेन्द्र मोदी हुंदे भाषणे दे संकलन संस्कृति का 5मां अध्या नां दी पौथी दा कल नमीं दिल्ली च विमोचन कीता गेआ। जूना अखाड़े दे मुख आचार्य महामंडलेश्वर स्वामी अवधेशानंद गिरि होरें एहदा विमोचन कीता। कार्यक्रम दी अध्यक्षता करदे होई राज्यसभा दे उप-सभापति हरिवंश होरें देश दी संस्कृति, परम्पराएं ते मान मुल्लें ते सांस्कृतिक विरासत गी सांभियै रखने आस्तै प्रधानमंत्री नरेन्द्र मोदी हुंदे जतनें दी सराहना कीती। प्रधानमंत्री हुंदे भाषणे दे मुख-मुख अंशें गी चेता करदे होई उनें आखेआ जे एह पौथी इक नेहा संग्रैह ऐ जेहड़ा सांस्कृतिक संरक्षण दे सरबंधे च श्री मोदी हुंदी वचनबद्धता ते भारत दी कालातीत परम्पराएं गी सांभी रखने आस्तै उनें पजरियेंग गी दर्शादा ऐ। इस मौके पर स्वामी अवधेशानंद गिरि महाराज होरें आखेआ जे 2014 ब'रे दे मगरा गै देशे दे हर इक खेत्तर च तरक्की दिक्खी गई ऐ ते म्होन च बदलाव नजरी आवा करदा ऐ। उनें प्रधानमंत्री हुंदे योगदान दी सराहना करदे होई आखेआ जे लोक हुन बड़े गै मान कन्नै ते गैहराई कन्नै सांस्कृतिक विशें पर चर्चा करदे न।

<><><><><><>

JEE Main Result

2025 ब'रे दा सांझा प्रवेश मतेयान जेईई मेन्स दी नतीजे अज्ज घोशत कीते जांगन। राष्ट्रीय परीक्षा अजेंसी यानि एनटीए नै इक ब्यान च आखेआ ऐ जे एह नतीजे जेईई दी मेन वैबसाइट JEEmain.NTA.nic.in पर उपलब्ध होग। एहदे उप्पर कट ऑफ दे कन्नै कन्नै जेईई मेन 2025 दे नतीजें दी बी घोशणा कीती जाग। एनटीए नै जेईई मेन दी परीक्षा 2 थमां 9 अप्रैल दे बश्कार करोआई ही। जेईई मेन 2025 परीक्षा इस ब'रे जनवरी ते अप्रैल च दो चरणें च आयोजित कीती जा'रदी ऐ। जेकर कोई मेदवार दौनें सत्रेंदी परीक्षा च हाजर होआ ऐ ते जिस सत्र च उसी मते नंबर थ्होए दे होंगन ओहदे आधार पर खीरी मैरिट लिस्ट तैआर कीती जाग।

इस बारी एनटीए दी नतीजे दे कन्नै कन्नै टॉप स्कोर हासल करने आले दी सूचि ते जेईई एडवांस 2025 परीक्षा दी कटऑफ सूचि बी प्रकाशित करने दी मेद ऐ।

<><><><><><>

Asian U18 Athletics (HL 6)

भारत दे हिमांशु जाखड़ होरें सरुदी अरब दे दम्माम च अंडर-18 एशियाई एथलेटिक्स चैंपियनशिप च मर्दे दे भाला सुट्टने आहले मुकाबले च देशै लेई पैहली बारी सुन्ने दा तगमा जित्तिथै इतिहास रची दित्ता ऐ। हिमांशु नै 67 इशारिया 5-7 मीटर तगर भाला सुट्टियै अव्वल थाहर हासल कीती। भारत नै चैंपियनशिप च सुन्ने दा इक्क, चांदी दे 5 ते कैह दे बी 5 तगमें सने कुल 11 तगमे जित्ते न। मर्दे दी उच्ची छाल आहले मुकाबले च, देवक भूषण नै 2 इशारिया सिफर-3 मीटर दी छाल मारियै चांदी दा तगमा जित्तेआ। इस मुकाबले च कुवैत दे मोहम्मद अलदुइज नै सुन्ने दा तगमा हासल कीता। महिलाएं दी 200 मीटर द्रौड़ च आरती नै 22 इशारिया 4-1 सकिंट दा समें लेइयै कैह दा दुआ तगमा जित्तेआ। एहदे शा पैहले आरती गी 100 मीटर द्रौड़ च कैह दा तगमा मिलेआ हा। भारत नै मर्दे दी मेडले रिले च बी चांदी दा तगमा जित्तेआ। पी.चिरंथ, सईद सबीर, साकेत मिज ते कादिर खान दी टीमै 1 मिंट 52 इशारिया 1-5 सकिंट दे समें कन्नै दुई थाहर हासल कीती। चीन नै सुन्ने दा तगमा जित्तेआ। महिलाएं दी मेडले रिले च भारती टीम बैटन डिग्गी जाने करी द्रौड़ पूरी नेई करी सकी।

<><><><><><>